





۱۳۲۶

نومرو ۳



« تنقيد » ك بر نومرولى نشيخه سى الميه
كچديكى زمان، اسمندن آكلادينغ چديته كوزه،
تشرىحات فيكرية و تنقيدات مفيدة بيله انكشاف
حقايقه خدمت ايدى جكي و بومسلك ميتنده بردوام
اولدقچه كنج دماغلرك حقيقه استفاده ايدى جكلرى
ملاحظه سى مفكره مدم بر اطمئنان مسروران
اويانديردى .

في الحقيقه هر كون بشقه بر شكلده تجلى ايدن
سپاي اديرك لطافت حسن و آنى يا خود ردائت
زشتيسى كورونمك ايجون بر مرآته، ادبياتمرك
جربانات متخالفه حاضر سنه قارشى هانكي ايزى
تعقيب ايدى جكنى شاشيرمش اولان فكرلرك مجراى
سلامته دخولى ايجون بر سائق ورهبره احتياج
وار ايدى .

اميد اولونور كه ، او مرآت ، « تنقيدك » ك
صحنه نرى ، او رهبر ، تعقيب ايتديكى خط
حركت اوله جقدر .

مظلّم ، عمومى ، مجروح فكرلره معكس ،
دكر سز ، بریشان، بى روح اثرلره مشهر اولان
براى كى جريده ادبيه (!) به بويله بر رساله
جديده قات قات مرجح دكلير ؟ ... او كى
غزتهلر - كه استفاده ايمه دن افاده به قالدشانلرك
تأمين اشتهارينه تخصيص صحايف ايتكدن بشقه
بر ايشه يارامازلر - محتوى اولدقلى شيلرك
قيمتى نسبتنده پايدار اولور .

برنجى صحيفه سى آچديغم به توفيق بكك

[انتقاد] سرلوحه لى مقاله سى منظورم اولدى .
موضوعك جديتى نظر اعتباره آلهرق بزتهالك
صميانه ايله مطالعه به باشلادم . دها ايلك سطر-
لرنده [قواعد شكّن بر دماغه ، بكا ، تنقيد
ياز مق وظيفه سنى تحمیل ايتديكزن
حالبوكه نجه تنقيدك نه اصولى ، نه قاعده سى
وار امين اولكز كه هر مغالطه ، هر
شاشيرمه ، هر منطق كې بوده قوفدر ،
بوشدر] سوزلرني كورنجه ، اعماق
مفكره مدم بر حس استغراب اوياندى . بو حسك
تاثيرينى - تفهم حقيقته سكتنه ويرر قورقوسيله -
بر طرفه براقه رق ، مقاله لى نهايته قدر
تعقيب ايتدم .

همان هر نقطه ده محررينك فكرينى لادريه
كريوهرينه دوشمش ، مهم اهتزازلر آرمهنده
قالمش كورديكم ، يا خود ظن ايتديكم و بنده
بر موجوديت ادراكينه به مالك بولنديغم ايجون
بعض نقاط حقهنده كى مطالعاتى - بوجه آنى -
بنانه كندمى صلاحيتدار كوردم . مقصد معارضه
شيخصيه دكل ، حقيقته خدمتدر . ذاتاً محرر
متفكر به معارفه م بيله يوقدر . بناء عليه ارباب
مطالعه نك او وجهله تاقى ايتملرى لازمدر .

مقاله نك خلاصه سى آلهرسه ، شو نتيجه
چقيور : (عالمده هيچ بر حقيقت ثابت ، هيچ
بر قلعه طوغرو دكلدر . وهيچ برشى ايجون
قانون ، قاعده يوقدر .) - مابعدى وار -
ف . ساجد

مدير مسئول : بزى نصرت

اخوت مطبعه سى